



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Antonii Sanderi Presbyteri, S. Th. Licentiati Hagiologivm
Flandriae Sive De Sanctis eius Prouinciae Liber vnus**

Sanderus, Antoine

Antverpiae, 1625

Lietbertvs Episcopus xxxij. Cameracensis.

urn:nbn:de:hbz:466:1-10172

L E V I N A.

22. Jul. **L**EVINA virgo Anglicana sub Euberto Anglorum Rege floruit, & martyrium fecit sub tempore Theodori VII. Cantuariensis Archiepiscopi, qui anno 690. obiit. E terra est eleuata per Edelinum Antistitem, ac demum Bergas S. Winoci quod est Flandriæ opidum translata. De eius miraculis exstat liber Drononis Episcopi Moromensis.

L I E T B E R T V S

Episcopus xxxij. Cameracensis.

23. Jun. **G**erardo primo in Episcopatu successit Lietbertus, qui ex Brachatensi patria, nobili ortus prosapia à progenitoribus educandus puer commissus est sub eiusdem Gerardi disciplina. Fundauit Monasterium sancti Sepulcri, quod est Benedictinorum in vrbe Cameraci, & in Ecclesia sancti Auberti eiusdem vrbis Canonicos regulares cum Abate constituit electis clericis nimis negligenter & inordinate tunc Deo seruientibus, quos Ansbertus Episcopus xxvi. ibidem collocarat. Viuere desiit 1076. Vitam fuse prosequitur Baldericus libro tertio in Chronico Cameracensi. Multas dotauit Ecclesiæ beatæ Virginis, sancti Auberti, sancti Vedasti, sanctæ Crucis, Gaugerici, Andreæ Apostoli, in monte Eligiano Canonicos quoque regulares constituit, omnibus sese formam iustitiae & veritatis præbuit, inimicitias vitabat cautissimè, ferebat æquissimè & funebat citissimè. Amorem pecuniæ totius suæ spei certissimum venenum esse crede-

credebat. Diligenter seruabat vulgare prouerbium nemini facias, quod pati non vis. Amicis vtebatur ad rependendam gratiam, inimicis ad patientiam omnibus ad benevolentiam. De illo plura vide apud Molanum 23. Iunij, & Locrium in Chronico Belgij ad annum Redemptionis 1077.

L V C I A.

DE LVCIA licet nihil apud Molanum in Natalibus, 22. Oct. & Miræum in Fastis inueniam. De ea tamen ex Iacobo Gulielmitarum Brugenium Præfecto hæc habet Harduinus. Martiano imperante in vndecim millia Virginum sœ uitum est, inter quos Flanderti Flandrorum Regis coniux Theodora, Germana Luciaque interemptæ sunt.

M A C A R I V S
P A T R I A R C H A A N T I O C H E N V S.

Contra pestem Tutelaris. Gandaui.

Relecto Episcopatu Antiocheno Hierosolymam ad 10. Ap. pia loca visenda se contulit, variis demum Provinciis lustratis in Belgicam venit, floruitque miraculis Machliniæ, Malbodij, Cameraci, Tornaci & alibi. Gandaluum nouissimè profectus ibidem in Bauonica Benedictinorum Abbatia annum ferè substittit, ac peste demum correptus anno 1012. piissimè obdormiuit. Anno autem 1067. corpus omnino integrum Balduinus Nouiomensis & Lietbertus Cameracensis Episcopi 7. Idus Maij eleuarunt. Philippo Francorum Rege, Balduino Insulano

R 3

Flan-